

# INUIT ATAQATIGIIT INATSIARTUNI



UPA2023/Imm. 145

Majip 23-at 2023

Eqaluk Høegh

**Narsami aammalu Kullorsuarmi ilaqtariinnut siunnersortit ukiut marluk suligasuartussanik Naalakkersuisut aallarnisaanissaamut peqquneqarnissaanik Inatsisartunut aalajangiiffigisassatut siunnersuut. Suligasuarsimanerit naammassippata naliliiffigineqassapput, nunatta sinneranut siammarneqarsinnaanersoq nalilersornissaanut siunertaralugu.**

**(Inatsisartunut Ilaasortaq Nivi Olsen, Demokraatit)**

## **Oqaaseqaat:**

Demokraatit sinnerlugit inatsisartuni ilaasortaq, Nivi Olsen, siunnersuutinnut Inuit Ataqatigiit sinnerlugit siullermik qutsavigerusuppakkit.

Naatsumik oqaatigalugu siunnersuuteqarputit ilaqtariinnut siunnersortinik – Narsami aammalu Kullorsuarmi – misiliummik taallugu – ukiut marluk suligasuartussanik Naalakkersuisut aallarnisaaquullugit.

Taama siunnersuuteqarninnut pingaarnertut tunngavilersuutigaat – ilaqtariinni tamani unammillernartunik peqartoqarsinnaasarnera – ajornartorsiutilli piaartumik aaqqiivigineqanngikkaangata – taava kingorna nammaneqarsinnaajunnaartartut – allaallumi avittariaqalernermik kinguneqarsinnaasarlutik.

Ilaqtariit matumani pisatit – nassuiaanerit malillugu – tassaapput, naliginnaasumik ilaqtariinnut sullissiviit nunatsinni pigeriikkavut aqcutigalugit ikiorserneqarneq ajortut – tassa ima ilaatigut nassuiaanerit malillugu oqaravit – ilaqtariinnut sullissiviit pioreersut annerusumik ilaqtariinnut

# INUIT ATAQATIGIIT INATSISARTUNI



isumaginninnikkut ingerlanerliortunut neqerooruteqarnissamik tulluarsagaasuummata.

Naalackersuisut siunnersuutinnut tunngatillugu akissuteqaramik oqaatigaat – siunnersuutinni ujartukkatit pioreersut – tassa kommunini tamani ilaqutariinnut sullissiviit ilaqutariillu illuini ammasumik siunnersuisarnerat pioreersoq naqissusermassuk – matumani ilaqutariinni atugarliorfiunngitsuni neqerooruteqartarnerit aamma eqqarsaatigalugit – minnerunngitsumillu ilaqutariinnut suliamik ingerlataqarfiunngitsuni neqerooruteqartarneq aamma eqqarsaatigalugu.

Siunnersuutinni oqaaseqaatitit malillugit ilaatigut oqaatigaat – qanoq piffinni aaqqiagiisoqartarnissaa pingaaruteqartigisoq. Tamannalu soorunami Inuit Ataqatigiinniit aamma isumaqatigaarput – minnerunngitsumillu matumani kommunit qanoq inissisimanerat kiisalu isumaat aamma eqqarsaatigalugu.

Siunnersuuteqartup paragraf 37-vi aqqutigalugu pisarput pillugu sionatigut naalackersuisunut apeqquteqarnikuusimavoq – tassanilu naalackersuisup akissutaanni ilaatigut atuarneqarsinnaavoq – siunnersuut matumani pisarput pillugu kommunit naalackersuisunut pisariaqartitsillutik nalunaaruteqarsimanngimmata. Tamannalu pillugu siunnersuuteqartup nammineerluni isumaa tusarusunnassooq. Kommunit nammineerlutik oqariartuutigisimavaat – ilaqutariinnut sullissiviit pioreersut suli nukittorsarneqarnissaat anguniarneqartariaqartoq – pioreersut inerisaqqinnerisigut.

Siunnersuuteqartup matumani siunnersuutaa malillugu akuerineqassappat taava nammineerluni naatsorsuutigaa ukiut marluk taama misiliuteqarluni suliniuteqarnerup ingerlanerani 2,5 millionit koruuninik annertunerusumik

# INUIT ATAQATIGIIT INATSIARTUNI



anigaasartuuteqartoqarnissaa naatsorsuutigina.

Taamaattorli naalakkersuisunut paragraf 37-i malillugu apeqquteqataaqarnermini tamanna naatsorsorneqarsinnaanngitsoq nammineq siunnersuuteqartutut aamma naqissuserpat – tassa apeqqutaagami soorunami sulisussat misileraanermi qanoq ilinniakkatigut ilaatigut tunuliaquteqartuussanersut kiisalu piginnaanngorsaanerit qanoq ilusillit ingerlanneqarnissaat kiisalu qanoq imaqarnissaat aamma apeqqutaasussaagami. Tamannalu pillugu siunnersuuteqartutut annerusumik nassuiarsimannginnakku – tassa qanoq takorluugaqarsimanersutit – apeqqutigerusunnarpoq qanoq tamanna pillugu isumaqarnersutit.

Tamakku tunngavigalugit siunnersuut ataatsimiitsitaliamut susassaqtumut suliassanngortinneqarnissaa inassutigaarput – tassa kikkulluunniit pitsanngorsaanisamik anguniagaqartut tikilluaqqorusukkatsigit – taamaattorli oqanngilagut siunnersuut tapersorsorlutigu – qulaani taakkartorneqartut qanoq annertunerusumik akissutinngorlugit inissisimanersut paaseqqarusukkatsigu.

Qujanaq.